

EPISTOLAE VIVIS.

Vives Baretto suo S.

NB
Amicus et
familiaris

SI Baretum meum nō nossem, sus-
picarer me illi excidisse: quia non
scribit. Nūc verò de tā cognito atque
explorato amico tantum metuo, ne
quid aliter agat, quàm velit. Quia iā
pridem de illo nihil audio: est enim
amor mirè meticulosus. Tu ergo scri-
be, non quo amorem augeas, qui ad
summa est progressus, sed quo timorē
adimas, qui amorem vel sectatur, vel
obsidet. Vale.

Vives P. Maluendae S.

Non fert coniunctio nostrorum
animorum silentium tam diu-
turnū. Ad quos enim scribemus, si in-
ter nos non scribimus? Sed mihi silen-
tium hoc indixit capitis grauedo, &
oculorum dolor tota hac aestate con-
tinuus. Tibi verò, vt puto, rixosa ista
theologia, qua te armas in solem nūc,
aliquando & in harenam proditurus

¶